

passim docet Theffalonicam ante Attilanam depopulationem primariam fuisse Illyrici, sedemque Præfecti, ut suo loco dicemus, equidem non video: unde nec in hoc audiendum esse Justinianum arbitror.

Fatebor tamen Sirmio Attilæ temporibus deleta, auctoritatem Metropolitanam aliò translata fuisse: partimque Laureaco, partim Achridæ, & partim Salonæ datam mihi videri. Etenim Achrida, ut ab illa tanquam digniori incipiamus, facta Archiepiscopali per Justinianum, consentiente Vigilio Pontifice, pars secundæ Pannoniæ, quæ antea Sirmienfi Episcopo integra parebat, huic subiecta est, ut legitur in ejus rescripto ^aImperiali, cujus verba sunt: *Primæ Justinianæ patriæ nostræ, pro tempore sacrosanctus Antistes non solum Metropolitanus, sed etiam Archiepiscopus fiat: & certæ provinciæ sub ejus sint auctoritate, id est, tam ipsa Mediterranea Dacia, quam Dacia Ripensis, nec non Myisia secunda, Dardania, & Prævalitana provincia, & secunda Macedonia, & pars secundæ etiam Pannoniæ, quæ in Bacensi est civitate.* Dices forsan Illyricum, lege

^b Sueton. in Ca-
jo Julio Cæsare.

Vatinia, Galliæ Cisalpinæ unitum fuisse in gratiam Cæsaris, ut scribit ^bSuetonius: ac ideo utrique unicum præfuisse Metropolitanum Mediolanensem, sicut unus præerat magistratus civilis. Sed respondebo ordinem civilem in gratiam Cæsaris statutum jam mutatum fuisse Ambrosii temporibus, imò & sub Constantino Imperatore, qui Romanum Imperium Præfectis & Vicariis regendum tradens, Vicarium unum Galliæ Cisalpinæ, quæ pars Italiæ erat, & alterum Illyrico præfecerat, ut supra diximus, ideoque argumentum retorqueri posse, & dici, quod sicut à duobus magistratibus civilibus hæ diœceses regebantur in civilibus, ita etiam à duobus Metropolitanis in Ecclesiasticis, Mediolanensi nimirum & Sirmienfi.

VI.

LAUREACUM
METROPOLIS
ALTERA ILLY-
RICI OCCI-
DENTALIS.

Sed & Laureacensis Episcopus, auctoritate Sirmienfis extincta, Metropolitanus factus est, Laureacumque Metropolis Pannoniarum. Fuit hæc urbs inter alias Norici & totius hujusce regionis admodum insignis, ad Danubii & Anasi confluentem sita, in ampla camporum planicie, ubi nunc Anasianum oppidum, vulgò dictum Ens. Hoc à Laureatis literis, quæ Imperatoribus ibi olim cum exercitu constitutis victoriæ cujusdam nunciæ fortassis advenrunt, quidam dictum volunt, sed merum somnium videtur. Illic ferunt Beatum Laurentium virum literis & pietate insignem primum Apostolum venisse, ejusque nomini revera prima Ecclesia parochialis oppidi Anasiani dicata est. Addunt Eutherium hujus Episcopum interfuisse Sardicensi Concilio, circa annum trecentessimum quadragesimum septimum celebrato, sed parum certò, cum illius subscriptio sic tantum legatur: *Eutherius à Pannoniis*; at is nondum Metropolita erat, cum adhuc staret Sirmium. Theodorus saltem Arianae sectæ strenuus oppugnator, temporibus Theodorici Regis Gothorum, ex hujusce sedis Episcopis, legitur à Symmacho Pontifice Romano Archiepiscopale Pallium auctoritatemque Metropolitanam in Pannonias accepisse. Extat in Metropoli Salisburgensi Epistola ab illo summo Pontifice ad eundem Theodorum, cum Pallium misit, scripta, & digna quæ hic recenseatur. *Symmachus sanctæ Apostolicæ sedis gratia Episcopus, Reverendissimo & Sanctissimo fratri Theodoro, sanctæ Laureacensis Ecclesiæ Archiepiscopo, diebus vitæ suæ Pallii usum, quem ad Sacerdotalis officii decorem, & ad ostendendam unanimitatem, quam cum Beato Petro Apostolo universus grex dominicarum ovium, quæ ei commissa sunt, habere non dubium est, ab Apostolica sede sicut decuit poposcisti: quod, ut potè ab eisdem Apostolis fundatæ Ecclesiæ, majorum more, libenter indulsumus, ad ostendendum te Magistrum & Archiepiscopum, tuamque sanctam Laureacensem Ecclesiam Pannoniarum provinciæ sedem fore Metropolitanam. Idcirco Pallium, quod ex Apostolica auctoritate tibi destinavimus, quo uti debeas secundum morem Ecclesiæ tuæ, solerter admonemus, pariterque volumus ut intelligas, quia ipse vestitus (quo ad Missarum solemniam ornaris) signum prætendit crucis: per quod scito te & fratribus debere compati, ac mundialibus illecebris in affectum crucifigi. Unde rogo, ut cum deforis bu-*